

Roberto Croes cu bunita recital di poema na ocasion di reapertura di Biblioteca Nacional

ORANJESTAD - Roberto Croes ta traha den Departamento di Finanzas. E tin diferente pasion, pero un di nan sigur ta skirbi y na Papiamentu. Su prome publicacion ta titula "Sentimento". Na ocasion di e reapertura oficial di Biblioteca Nacional, Roberto a haci un bunita recital di po-



Declamado y poeta, sr. Roberto Croes.

ema cu a lanta e "sentimentonan" di e publico presente. E ta un tomo di poesia cu a ser presenta dia 21 di februari 2011 na ocasion di Dia Internacional di Lengua Materno. E ta un publicacion bou auspicio di Departamento di Cultura conhuntamente cu Grupo di Corector. Su poesia ta trata sentimento di hende den tur situacion. Actualmente e ta trahando riba Sentimento II y e intencion pa bini cu un publicacion e aña aki di Sentimento I y II. Roberto ta skirbi storia na Papiamentu tambe pa mucha di chikito te grandi. Un di nan ta e storia "E tres rumannan basora". Roberto a recita e poema "Un buki". E ta un poema cu el a skirbi specialmente pa e ocasion aki. □

Celebracion na biblioteca cu musica di Carlos Bislip Jr.

ORANJESTAD - Carlos Bislip a deleita invitadonan cu su musica na biblioteca diadomingo ultimo. Bislip a toca na final di programa di Reapertura oficial na George Madurostraat.

Carlos Bislip Jr. ta percussionista, arreglista, compositor y docente di musica, kende actualmente e ta traha na Scol di Musica Rufo Wever. E tin un bachelor degree den ehecucion di Berklee College of Music na Boston. Estudio directo den Pedagogia, composicion y historia di Jazz bou guia di profesor David Baker na Indiana University. Carlos a obtene su Master degree den Administracion di Arte na Boston University.

Durante añanan cu a pasa Carlos a saca diferente CD cu musica di Jazz crioyo y a dirigi diferente concierto cu musiconan local den cua e ta stimula e musico pa bin cu propio composicion. Ya pa diferente aña Carlos ta organisa actividadnan durante luna di april, e Jazz Appreciation Month. Ken no ta corda e concierto di Jazz den aire liber aki dilanti biblioteca den cua ta perform e banda cu ta consisti di studiantenan di Scol di musica Rufo Wever y otro



Carlos Bislip Jr. sinta dilanti di su keyboard durante reapertura di Biblioteca Nacional.

musiconan. Un bunita proyecto di Carlos Bislip Jr. conhuntamente cu Biblioteca Nacional Aruba. Carlos ta un artista sumamente entusiasmo y pasiona. A clausura e programa di diadomingo cu un brindis, caminda cu Carlos a compaña invitado y empleadonan cu su musica durante e brindis. □